




Broj: 01-08-Gp-6-1/17
Sarajevo, 03.02.2017. godine



GRADSKO VIJEĆE GRADA SARAJEVO
n/r Predsjedavajućeg Gradskog vijeća

PREDMET: Dostava Programa rada Pravobranilaštva Grada Sarajevo za 2017. godinu
- Informativni materijal-

Poštovani,

U skladu sa Programom rada Gradskog vijeća Grada Sarajevo za 2017. godinu dostavljamo Program rada Pravobranilaštva Grada Sarajevo za 2017. godinu kao Informativni materijal, kako bi se isti uvrstio u dnevni red sjednice Gradskog vijeća Grada Sarajevo planirane za februar 2017. godine.

PRILOG:

- Program rada Pravobranilaštva Grada Sarajevo za 2017. godinu u printanoj i elektronskoj formi;

DOSTAVITI:

Naslovu

U spis



PRAVOBRANILAC

Jasmina Karović



**PROGRAM RADA PRAVOBRANILAŠTVA GRADA SARAJEVO
ZA 2017. GODINU
(informativni materijal)**

**Predlagač: Pravobranilac Grada Sarajevo
Obradivač: Pravobranilaštvo Grada Sarajevo**

Sarajevo, februar 2017. godine

Na osnovu Programa rada Gradskog vijeća Grada Sarajevo za 2017. godinu, usvojenog na 45. sjednici Vijeća dana 28.12.2016. godine Pravobranilaštvo Grada Sarajevo, **d o n o s i**

PROGRAM RADA PRAVOBRANILAŠTVA GRADA SARAJEVO ZA 2017. GODINU

I UVOD

Program rada Pravobranilaštva Grada Sarajevo obuhvata poslove i zadatke koji predstavljaju osnovnu funkciju ovog posebnog organa, kao zakonskog zastupnika Grada, u zaštiti imovine i imovinskih interesa proisteklih iz njegove ustavne pozicije, zatim iz Zakona o pravobranilaštvu, Odluke o osnivanju Pravobranilaštva Grada Sarajevo, Statuta Grada Sarajevo i Programa rada Gradskog vijeća Grada Sarajevo.

II NORMATIVNI DIO

1. Prijedlog Odluke o izmjenama i dopunama Odluke o osnivanju Pravobranilaštva Grada Sarajevo ili Odluke o osnivanju Pravobranilaštva Grada Sarajevo (nova)

PRAVNI OSNOV	Zakon o pravobranilaštvu Federacije BiH („Sl. novine Federacije BiH“, broj 2/95, 12/98,18/00 i 61/06) i Zakon o pravobranilaštvu Kantona Sarajevo („Sl. novine Kantona Sarajevo“, broj 33/08 – novi Prečišćeni tekst, 7/12 i 44/16);
NOSILAC POSLA	Pravobranilaštvo Grada Sarajevo
ROK	Kad se steknu uslovi
ODLUKU RAZMATRA	Gradsko vijeće

2. Prijedlog Odluke o davanju saglasnosti na Pravilnik o izmjenama i dopunama Pravilnika o unutrašnjoj organizaciji Pravobranilaštva Grada Sarajevo

PRAVNI OSNOV	Zakon o pravobranilaštvu Federacije BiH („Sl. novine Federacije BiH“, broj 2/95, 12/98,18/00 i 61/06) i Zakon o pravobranilaštvu Kantona Sarajevo („Sl. novine Kantona Sarajevo“, broj 33/08 – novi Prečišćeni tekst, 7/12 i 44/16);
NOSILAC POSLA	Pravobranilaštvo Grada Sarajevo
ROK	Kad se steknu uslovi
ODLUKU RAZMATRA	Gradsko vijeće

Kratak sadržaj materijala:

Na temelju Zakona o pravobranilaštvu ("Službene novine Kantona Sarajevo", br.: 33/8-novi prečišćeni tekst, 7/12 i 44/16) organizovana je cjelokupna djelatnost i nadležnost pravobranilaštava Kantona Sarajevo (kantonalno, gradsko i općinska), a u okviru istog rješen je i radno-pravni i radno-kvalifikacioni status njegovih zaposlenika pozivanjem na odredbe Zakona o državnoj službi u Federaciji BiH, Zakona o državnoj službi Kantona Sarajevo, Zakona o plaćama i naknadama u organima vlasti u Federaciji BiH i podzakonskih propisa federalnog nivoa vlasti u vezi iste oblasti.

S obzirom na činjenicu da je Skupština Kantona Sarajevo izvršila usklađivanje kantonalnog Zakona o pravobranilaštvu sa naprijed navedenim propisima, a da je u istom kantonalnom

Zakonu utvrđena obaveza Gradskog i općinskih pravobranilaštava za usklađivanjem vlastitih odluka o pravobranilaštvima, ali i vlastitih pravilnika o unutrašnjoj organizaciji istih pravobranilaštava, Programom rada Gradskog vijeća i Pravobranilaštva Grada uspostavlja se pravni okvir za ispunjavanje zakonske obaveze Pravobranilaštva Grada, a što je u skladu i sa odredbama kantonalnog Zakona o državnoj službi koji se obavezujuće primjenjuje i na državne organe poput pravobranilaštava u Kantonu Sarajevo, sa posebnim osvrtom na član 74. stav 5. Zakona (donošenje zakona i podzakonskih akata).

III TEMATSKI DIO

1. Izvještaj o radu Pravobranilaštva Grada Sarajevo za 2016. godinu

PRAVNI OSNOV	Čl: 37. i 44. Zakona o pravobranilaštvu („Sl. novine Kantona Sarajevo“, broj 33/08 – novi Prečišćeni tekst, 7/12 i 44/16); Član 29. stav 2. Odluke o osnivanju Pravobranilaštva Grada Sarajevo („Sl. novine Kantona Sarajevo“, br.: 20/10 i 30/15);
NOSILAC POSLA	Pravobranilaštvo Grada Sarajevo
ROK	Mart
IZVJEŠTAJ RAZMATRA	Gradonačelnik i Gradsko vijeće

Kratak sadržaj materijala:

Svrha podnošenja Izvještaja je upoznavanje odgovornih struktura vlasti Grada Sarajevo o radu ovog državnog tijela, pojavama i problemima u primjeni pravnih propisa značajnih za ostvarivanje njegove funkcije.

2. Program rada Pravobranilaštva Grada Sarajeva za 2017. godinu

PRAVNI OSNOV	Program rada Gradskog vijeća Grada Sarajevo
NOSILAC POSLA	Pravobranilaštvo Grada Sarajevo
ROK	Februar
IZVJEŠTAJ RAZMATRA	Gradsko vijeće

IV KONTINUIRANI POSLOVI

Imajući u vidu zakonske odrednice o položaju i djelokrugu rada Pravobranilaštva, kao posebnog, tj. „sui generis“, državnog organa, koji vrši poslove pravne zaštite imovine i imovinskih interesa Grada Sarajevo i njegovih organa i koje je ovlašteno za preduzimanje odgovarajućih pravih mjera i sredstava sa ciljem zaštite istih, njegov rad je u dobroj mjeri uslovljen i limitiran dinamikom rada drugih državnih organa pred kojima Pravobranilaštvo nastupa kao zakonski zastupnik (sudovi, organi uprave, zakonodavni organi i dr.).

Na tom planu Pravobranilaštvo aktivno nastupa u okviru sljedećih postupaka:

- zastupanje Grada Sarajevo pred sudovima i organima uprave, sačinjavanje tužbi, ulaganje pravnih lijekova na presude i rješenja, davanje odgovora na tužbe i žalbe što u osnovi predstavlja osnovnu i najvažniju funkciju radi kojih je i osnovan ovaj organ;
- davanje mišljenja, sugestija i primjedbi prije zaključivanja ugovora imovinsko – pravne prirode kojima se pribavljaju stvari, raspolaze stvarima, materijalnim pravima, ili uređuju imovinsko-pravni odnosi, prava i obaveze prema stvarima u vlasništvu Grada;
- davanje mišljenja na zahtjev organa Grada o imovinsko-pravnim ugovorima koji se namjeravaju zaključiti sa stranim pravnim i fizičkim licima, kao i drugim imovinsko-



pravnim odnosima s tim licima, davanje saglasnosti na zaključene ugovore i sporazume i davanje primjedbi, dopuna i sugestija u cilju poboljšanja njihovih kvaliteta;

- pravna pomoć u kreiranju odluka koje regulišu važna imovinsko-pravna pitanja iz nadležnosti Grada;
- neposredan angažman kod ostalih organa Grada Sarajevo na planu prikupljanja svih relevantnih podataka o imovini Grada Sarajevo radi njene zaštite, te prikupljanje valjanih činjenica i dokaza kojima Grad Sarajevo pred nadležnim sudovima vodi odgovarajuće postupke za povrat i zaštitu svoje imovine od drugih nivoa vlasti;
- podnošenje inicijativa Gradskom vijeću Grada Sarajevo za donošenje odgovarajućih pravnih akata i predlaganje donošenja odgovarajućih akata sa ciljem zaštite imovine i imovinskih interesa Grada Sarajevo;
- iniciranje izmjena ili dopuna odgovarajućih zakona kod nadležnih zakonodavnih tijela, kojima se vrši poboljšanje teksta tih zakona koji tretiraju pitanje imovine i imovinsko-pravnih odnosa, a za čiju izmjenu ili dopunu je direktno zainteresovan Grad Sarajevo.

IV STRUČNO OBRAZOVANJE I USAVRŠAVANJE UPOSLENIKA

U cilju realizacije predviđenih poslova i zadataka iz svoje nadležnosti Pravobranilaštvo planira stručno obrazovati i usavršiti svoje uposlenike kroz redovne edukacije putem prisustvovanja stručnim savjetovanjima, seminarima i okruglim stolovima iz oblasti uprave, propisa i pravosuđa.

V SARADNJA SA DRUGIM DRŽAVNIM ORGANIMA

Saradnja sa drugim državnim organima, a naročito pravobranilaštvima svih nivoa vlasti u Bosni i Hercegovini, te organima sudske vlasti koja je započeta u prethodnom periodu nastavit će se i u budućnosti s ciljem efikasnijeg prevazilaženja postojećih i novonastalih problema i razmjene iskustava.

Broj: 01-08-Gp-6/17
Sarajevo, 31.01.2017. godine

PRAVOBRANILAC

Jasmina Karović

